

Comisiwn
Cydraddoldeb a
Hawliau Dynol

Equality and
Human Rights
Commission

Cymdogaeth, cymuned
a hunaniaeth

Pwy ydych chi'n ei weld?

Byw gyda'n gilydd yng Nghymru



Canfyddiadau allweddol

- Mae tystiolaeth o ymdeimlad cryf o berthyn i'n cymdogaethau, ardaloedd lleol, Cymru a Phrydain.
- Mae'r cyswllt â hunaniaeth genedlaethol ychydig yn gryfach na'r cyswllt â hunaniaeth leol.
- **Nid** oes gan bobl yng Nghymru farn bendant ynglŷn â byw mewn ardal lle mae'r rhan fwyaf o'r bobl yn debyg.
- Byddai cyfran sylweddol o bobl yng Nghymru yn pryderu pe bai mwy o bobl o Ddwyrain Ewrop a Mwslimiaid yn symud i Gymru. Y themâu allweddol oedd pryderon ynglŷn â phwysau economaidd, diogelwch a phryder ynglŷn ag integreiddio.

Cymdogaeth, cymuned a hunaniaeth


Cyflwyniad

Mae'r ddogfen hon yn rhoi canfyddiadau agweddau tuag at gymdogaeth, cymuned a hunaniaeth o'r arolwg o agweddau gan y Comisiwn Cydraddoldeb a Hawliau Dynol yng Nghymru. Mae'n ystyried canfyddiadau o hunaniaeth genedlaethol a pha mor gryf y mae pobl yn teimlo eu bod yn perthyn i'w cymdogaeth, eu hardal leol, Cymru a Phrydain. Mae'n ystyried hefyd a fyddai pobl yn pryderu pe bai mwy o bobl o wahanol grwpiau yn symud i Gymru.

Hunaniaeth genedlaethol


Y tair hunaniaeth fwyaf cyffredin a ddewisir oedd Cymreig (58 y cant), Prydeinig (31 y cant) a Seisnig (12 y cant). Ni soniwyd am hunaniaeth genedlaethol arall gan fwy nag 1 y cant o'r sampl.

Ffigur 6.1 Beth yw eich hunaniaeth genedlaethol yn eich barn chi?



Sylfaen: Pob ymatebwr (heb eu pwysoli: 1,589, wedi'u pwysoli: 1,589)

Drwy ddadansoddi'r cwestiwn hwn yn ôl rhanbarthau etholaethol yng Nghymru gwelir rhai canfyddiadau diddorol. Mae'n amlwg mai pobl yn Nwyrain De Cymru a Gorllewin De Cymru oedd fwyaf tebygol o ystyried eu hunain yn Gymry (66 y cant a 72 y cant yn y drefn honno). Yn yr ardaloedd hyn hefyd roedd pobl yn llawer llai tebygol o ystyried eu hunain yn Saeson. Dim ond 8 y cant a nododd eu hunaniaeth yn y ffordd hon yn y ddau ranbarth hyn o gymharu â 17 y cant yng Ngogledd Cymru a 16 y cant yng Nghanolbarth a Gorllewin Cymru.




Ymdeimlad o berthyn

Roedd oedolion yng Nghymru yn fwy tueddol o deimlo eu bod yn perthyn yn gryf i'r opsiynau cenedlaethol nag i'w hardal leol neu eu cymdogaeth leol.

- Dywedodd 87 y cant eu bod yn perthyn yn gryf i Brydain, a dywedodd 52 y cant eu bod yn perthyn 'yn gryf iawn'
- Dywedodd 84 y cant eu bod yn perthyn yn gryf i Gymru a dywedodd 54 y cant eu bod yn perthyn 'yn gryf iawn'
- Teimlai 80 y cant eu bod yn perthyn yn gryf i'w cymdogaeth leol, (41 y cant yn gryf iawn)
- Teimlai 79 y cant eu bod yn perthyn yn gryf i'w hardal leol, (39 y cant yn gryf iawn)

Ffigur 6.2 Pa mor gryf y teimlwch eich bod yn perthyn i...?



Sylfaen: Pob ymatebwr (heb eu pwysoli: 1,589, wedi'u pwysoli: 1,589). 'Ni ddangosir 'ddim yn gwybod' a 'wedi gwrthod

Yn ôl dadansoddiad o is-grwpiau roedd hunaniaeth, waeth ble roeddent yn byw, yn gryfach ymhlith pobl hŷn, y rhai o gefndir gwyn a'r rhai a ddisgrifiodd eu hunain fel Cristnogion, Roedd hunaniaeth leol yn gryfach ymhlith siaradwyr Cymraeg a'r rhai a ddisgrifiodd eu hunain yn Gymry. Ceir rhagor o fanylion isod a chrynodeb yn nhabl 6.2.

Y gymdogaeth leol

- Roedd ymdeimlad o berthyn i'r gymdogaeth leol yn cynyddu gydag oedran: teimlai 71 y cant o bobl 16-34 oed eu bod yn perthyn yn gryf i'w cymdogaeth leol, o gymharu â 79 y cant o bobl 35-54 oed, 86 y cant o bobl 55-64 oed ac 87 y cant o bobl dros 65
- Teimlai 8 o bob 10 (80 y cant) o ymatebwyr a oedd yn wyn Prydeinig neu'n wyn Cymreig eu bod yn perthyn yn gryf i'w hardal leol. Roedd hyn dipyn yn uwch nag ydoedd ymhlith oedolion nad oeddent yn wyn (63 y cant)
- Teimlai 82 y cant o Gristnogion eu bod yn perthyn yn gryf – cyfran lawer yn uwch na'r rhai o grefyddau eraill a'r rhai heb grefydd (71 y cant a 75 y cant yn y drefn honno)
- Pobl yng Nghanol De Cymru oedd leiaf tebygol o ddweud eu bod yn perthyn i'w hardal leol (69 y cant). Roedd hyn yn cymharu ag 80 y cant ar gyfartaledd.
- Teimlai ychydig o dan naw o bob deg (87 y cant) o'r rhai yr oedd Cymraeg yn famiaith iddynt eu bod yn perthyn yn gryf i'w hardal leol. Gellir cymharu hyn â 79 y cant o bobl yr oedd Saesneg yn brif iaith iddynt. Yn yr un modd, roedd pobl a oedd ystyried eu hunain yn Gymry yn llawer mwy tebygol o ddweud eu bod yn perthyn yn gryf i'w hardal leol na'r rhai a oedd yn ystyried eu hunain yn Brydeinwyr, yn Saeson neu'n rhywbeth arall (85 y cant o gymharu â 76 y cant, 70 y cant a 61 y cant yn y drefn honno)
- Roedd statws teuluol yn effeithio ar y graddau yr oedd pobl yn teimlo eu bod yn perthyn. Roedd oedolion a oedd yn byw mewn cartrefi sengl - gyda neu heb blant - yn llai tebygol o deimlo eu bod yn perthyn *yn gryf* na'r rhai a oedd yn byw fel pâr (75 y cant neu'n is o gymharu ag 84 y cant o'r rhai a oedd yn byw fel pâr â phlant ac 84 y cant o'r rhai a oedd yn byw fel pâr heb blant). Y casgliad yw y gall ynysu ymhlith oedolion effeithio ar ymdeimlad o berthyn i gymdogaeth

Yr ardal leol

- Roedd pobl hŷn yn fwy tebygol o deimlo eu bod yn perthyn yn gryf. Dywedodd 86 y cant o bobl 55 oed neu'n hŷn eu bod yn perthyn yn gryf. Yn wir dywedodd 55 y cant o bobl 65 oed neu'n hŷn eu bod eu hymdeimlad o berthyn 'yn gryf iawn'. Mewn cymhariaeth, teimlai 77 y cant o bobl 35-54 oed a 71 y cant o bobl 16-34 oed eu bod yn perthyn yn gryf
- Roedd gwahaniaethau yn ôl cefndir ethnig yn debyg iawn i'r rhai o ran y gymdogaeth leol; dywedodd 80 y cant o bobl wyn Brydeinig a gwyn Cymreig eu bod yn perthyn yn gryf o gymharu â 64 y cant o oedolion nad oeddent yn wyn.

- Roedd pobl a oedd yn byw yng Nghanolbarth a Gorllewin Cymru (88 y cant) yn llawer mwy tebygol o ddweud eu bod yn perthyn yn gryf i'w hardal leol na'r rhai a oedd yn byw yng Nghanol De Cymru (66 y cant).
- Teimlai 87 y cant o'r rhai yr oedd Cymraeg yn famiaith iddynt eu bod yn perthyn yn gryf i'w hardal leol. Dywedodd 79 y cant o bobl yr oedd Saesneg yn famiaith iddynt eu bod yn teimlo eu bod yn perthyn yn gryf. Yn yr un modd, dywedodd 84 y cant o bobl a ddywedodd eu bod yn Gymry eu bod yn perthyn yn gryf i'w hardal leol o gymharu â 74 y cant o'r rhai a ddywedodd eu bod yn Brydeinwyr neu'n Saeson

Cymru

- Teimlai ychydig o dan naw o bob deg o bobl 55-64 oed neu 65 a throsodd eu bod yn perthyn yn gryf i Gymru (87 y cant ac 88 y cant yn y drefn honno). Roedd hyn dipyn yn is nag ydoedd ymhlith pobl 16-34 oed (79 y cant)
- Dywedodd 85 y cant o bobl wyn Brydeinig a gwyn Cymreig eu bod yn perthyn yn gryf i Gymru o gymharu â 74 y cant o oedolion nad oeddent yn wyn
- Roedd Cristnogion yn llawer mwy tebygol o ddweud eu bod yn perthyn yn gryf i Gymru na'r rhai heb grefydd (86 y cant o gymharu ag 80 y cant)
- Teimlai bron bawb a siaradai Gymraeg yn bennaf eu bod yn perthyn yn gryf i Gymru (98 y cant). Ymhlith y rhai a siaradai Saesneg yn bennaf dywedodd 83 y cant hyn. Yn yr un modd, dywedodd 95 y cant o bobl a ddywedodd eu bod yn Gymry eu bod yn perthyn yn gryf i Gymru o gymharu â 78 y cant neu lai o'r rhai a ddywedodd eu bod yn Brydeinwyr neu'n perthyn i genedl arall.

Prydain

- Teimlai tua naw o bob deg o bobl dros 65 oed (93 y cant) a 90 y cant o bobl 55-64 oed y cant eu bod yn perthyn yn gryf i Brydain. Fel yn achos lleoliadau eraill, roedd pobl iau yn llawer llai tebygol o ddweud hyn (84 y cant o bobl 35-54 oed ac 82 y cant o bobl 16-34 oed)
- Dywedodd 87 y cant o bobl wyn Brydeinig a gwyn Cymreig eu bod yn perthyn yn gryf i Brydain o gymharu â 71 y cant o oedolion o gefndir ethnig gwahanol
- Roedd Cristnogion yn llawer mwy tebygol o ddweud eu bod yn perthyn yn gryf i Brydain na'r rhai heb grefydd (88 y cant o gymharu ag 82 y cant)
- Teimlai 88 y cant o'r rhai a siaradodd Saesneg yn bennaf eu bod yn perthyn yn gryf i Brydain tra teimlai 71 y cant o siaradwyr Cymraeg hyn

Tabl 6.2 Canran yn dweud eu bod yn perthyn i bob lleoliad

	Sylfaen heb ei phwysoli, n=	Sylfaen wedi'i phwysoli, n=	Y gymdogae th leol (%)	Yr ardal leol (%)	Cymru (%)	Prydai n (%)
Cyfanswm	1,589	1,589	80	79	84	87
16-34	385	413	71	71	79	82
35-54	598	581	79	77	85	84
55-64	262	248	86	86	87	90
65+	344	347	87	86	88	93
Gwyn Prydeinig/Cymreig	1,438	1,555	80	80	85	87
Arall	151	34	63	64	74	71
Cristion	1,123	1,144	82	80	86	88
Crefydd arall	103	56	71	71	80	83
Dim crefydd	349	375	75	77	80	82
Crefydd:						
Canolbarth a Gorllewin Cymru	290	292	86	88	85	90
Gogledd Cymru	336	344	85	83	77	85
Canol De Cymru	366	348	69	66	84	86
Dwyrain De Cymru	324	327	80	80	86	90
Gorllewin De Cymru	273	278	81	81	91	83
Iaith gyntaf:						
Saesneg	1,401	1,438	79	79	83	88
Cymraeg	126	133	87	87	98	71
Hunaniaeth genedlaethol:						
Cymry	884	928	85	84	95	84
Saeson	179	189	70	74	52	91
Prydeinwyr	494	491	76	74	78	93
Arall	**97	47	61	68	63	67


Noder: ** yn dynodi sylfaen fach (sylfaen heb ei phwysoli llai na 100)

A fyddai'n well gan oedolion yng Nghymru fyw mewn ardal gyda gwahanol fathau o bobl?

Dywedodd chwech o bob deg (63 y cant) nad oes ganddynt farn bendant o ran cyfansoddiad eu hardal leol. I'r rhai a fynegodd farn dywedodd 22% y byddai'n well ganddynt fyw mewn ardal lle roedd y

rhan fwyaf o bobl yn debyg iddynt hwy eu hunain a dywedodd 15% y byddai'n well ganddynt fyw mewn ardal gyda gwahanol fathau o bobl.

Ffigur 6.4 A fyddai'n well gennych fyw mewn ardal gyda gwahanol fathau o bobl neu lle mae'r rhan fwyaf o bobl yn debyg?



Sylfaen: Pob ymatebwr (heb eu pwysoli: 1,589, wedi'u pwysoli: 1,589).

Yn gyffredinol roedd ymatebwyr hŷn, ymatebwyr gwyn a'r rhai mewn graddau cymdeithasol is yn fwy tebygol o ddweud y byddai'n well ganddynt fyw mewn ardal lle mae'r rhan fwyaf o bobl yn debyg iddynt hwy eu hunain:

- Er i draean (33 y cant) o bobl dros 65 oed ddweud y byddai'n well ganddynt fyw mewn ardal lle mae'r rhan fwyaf o bobl yn debyg iddynt hwy eu hunain dim ond 13 (y cant) o bobl 16-34 oed a ddywedodd hynny.
- Roedd ymatebwyr gwyn Prydeinig a Chymreig yn llawer mwy tebygol o ddweud y byddai'n well ganddynt fyw gyda phobl sy'n debyg iddynt hwy eu hunain nag ymatebwyr o gefndir ethnig arall (22 y cant o gymharu â 10 y cant)
- Er i chwarter o ymatebwyr yng ngraddau cymdeithasol C2 a DE ddweud y byddai'n well ganddynt fyw mewn ardal lle mae'r rhan fwyaf o bobl yn debyg iddynt hwy eu hunain (25 y cant a 24 y cant yn y drefn honno). Mae hyn dipyn yn uwch nag ydyw ymhlith graddau AB (17%)


A yw oedolion yng Nghymru yn pryderu am grwpiau gwahanol yn symud i Gymru?

Gofynnwyd i bobl pa mor bryderus fyddent pe bai mwy o bobl o gefndiroedd penodol yn symud i Gymru. Y grwpiau yr holwyd yn eu cylch oedd pobl o Ddwyrain Ewrop, Mwslimiaid, pobl Dduon ac Asiaidd a Saeson.

Ar y cyfan, roedd y mwyafrif o bobl yn anghytuno y byddent yn bryderus pe bai mwy o bobl o'r grwpiau hyn yn dod i fyw yng Nghymru. Fodd bynnag, roedd rhwng 16 y cant a 32 y cant yn bryderus. Roedd yn amlwg bod rhai pobl yn fwy pryderus ynglŷn â'r syniad o fwy o fewnfudo o blith rhai o'r grwpiau hyn nag eraill.

Y ddau grŵp yr oedd pobl yn fwyaf pryderus yn eu cylch oedd pobl o Ddwyrain Ewrop (32 y cant) a Mwslimiaid (30 y cant) – dau grŵp sydd wedi cael cryn sylw yn y cyfryngau yn ddiweddar. Roedd llai o bobl yn bryderus ynglŷn â'r syniad o fwy o bobl Dduon ac Asiaidd (25 y cant) neu Saeson (16 y cant) yn dod i fyw yng Nghymru. Dengys Ffigur 6.3 yr holl ymatebion i bob un o'r cwestiynau hyn.

Ffigur 6.3 I ba raddau y cytunwch neu yr anghytunwch â'r datganiad "Byddwn yn teimlo'n bryderus pe bai mwy o'r grwpiau canlynol yn dod i fyw yng Nghymru"?



Sylfaen: Pob ymatebwr (heb eu pwysoli: 1,589, wedi'u pwysoli: 1,589).

Roedd grwpiau penodol yn fwy tebygol o deimlo'n bryderus ynglŷn â'r syniad o Fwslimiaid, pobl o Ddwyrain Ewrop a phobl Dduon ac Asiaidd yn symud i Gymru: pobl hŷn, pobl mewn graddau cymdeithasol is, pobl wyn, Cristnogion, pobl yng Ngorllewin De Cymru ac, fel y disgwyliid, y rhai a ddywedodd y byddai'n well ganddynt fyw mewn ardal gyda phobl sy'n debyg iddynt hwy eu hunain. Roedd canfyddiadau rhanbarth Gorllewin De Cymru yn ddiddorol iawn gan mai hwn oedd y rhanbarth lle roedd pobl fwyaf tebygol o ddweud eu bod yn Gymry.

Roedd y grwpiau a oedd fwy tebygol o fod yn bryderus ynglŷn â Saeson yn symud i mewn i Gymru yn wahanol iawn. Roeddent yn byw yng Nghanolbarth a Gorllewin Cymru, yn siaradwyr Cymraeg, ac yn gysylltiedig â hyn, yn galw eu hunain yn Gymry. Nodir manylion pellach yn yr adrannau nesaf.

Grwpiau a fyddai'n bryderus pe bai mwy o Fwslimiaid yn dod i fyw yng Nghymru

- Cytunodd ychydig o dan ddau o bob pump o bobl (38 y cant) 65 oed neu'n hŷn y byddent yn teimlo'n bryderus pe bai mwy o Fwslimiaid yn dod i fyw yng Nghymru, ac roedd hyn dipyn yn uwch nag ydoedd

ymhlith pobl 16-34 oed a 35-54 oed (25 y cant a 27 y cant yn y drefn honno)

- Cytunodd mwy na thraean o oedolion C2¹ a DE² (37 y cant a 35 y cant yn y drefn honno) y byddent yn teimlo'n bryderus pe bai mwy o Fwslimiaid yn dod i fyw yng Nghymru o gymharu â chwarter o oedolion AB³ a chytunodd oedolion C1⁴ (25 y cant a 26 y cant yn y drefn honno). Byddai 30 y cant o bobl wyn Brydeinig a gwyn Cymreig yn teimlo'n bryderus ynglŷn â'r syniad o fwy o Fwslimiaid yn dod i fyw yng Nghymru o gymharu â 14 y cant o oedolion o gefndir ethnig gwahanol
- Cytunodd traean (33 y cant) o Gristnogion y byddent yn teimlo'n bryderus ynglŷn â hyn. Roedd y ganran hon dipyn yn uwch nag ydoedd ymhlith y rhai heb grefydd (20 y cant)
- Cytunodd 37 y cant o bobl yng Ngorllewin De Cymru â'r datganiad. Cytunodd cryn nifer yn llai o bobl yn Nwyrain De Cymru (25 y cant), Canol De Cymru (28 y cant) a Chanolbarth a Gorrlllewin Cymru (29 y cant)
- Cytunodd dros hanner y bobl (55 y cant) a ddywedodd y byddai'n well ganddynt fyw mewn ardal lle mae'r rhan fwyaf o bobl yn debyg iddynt hwy eu hunain y byddent yn teimlo'n bryderus ynglŷn â Mwslimiaid yn symud i Gymru. Dim ond 15 y cant o'r rhai a ddywedodd y byddai'n well ganddynt fyw mewn ardal gyda gwahanol fathau o bobl (a 24 y cant o'r rhai nad oedd ganddynt farn bendant)
- Roedd oedolion a oedd byw fel pâr, gyda neu heb blant, yn fwy tebygol o deimlo'n bryderus ynglŷn â'r syniad o fwy o Fwslimiaid yn symud i Gymru na rhieni sengl.

Grwpiau a fyddai'n bryderus pe bai mwy o bobl o Ddwyrain Ewrop yn dod i fyw yng Nghymru

- Cytunodd 36 y cant o bobl 65 oed neu'n hŷn y byddent yn teimlo'n bryderus pe bai mwy o bobl o Ddwyrain Ewrop yn dod i fyw yng Nghymru; roedd hyn dipyn yn is nag ydoedd ymhlith pobl 16-34 oed (28 y cant)
- Cytunodd tua dau o bob pump o bobl yn y graddau cymdeithasol is y byddent yn teimlo'n bryderus pe bai mwy o bobl o Ddwyrain Ewrop yn dod i fyw yng Nghymru (40 y cant o oedolion C2 a 37 y cant o oedolion DE). Cytunodd 29 y cant o oedolion C1 a 27 y cant o oedolion AB
- Roedd pobl a oedd yn byw yng Ngorllewin De Cymru (36 y cant), Gogledd Cymru a Chanolbarth a Gorrlllewin Cymru (35 y cant) yn fwy

¹ Cefndiroedd goruchwylio, clercol, is-reoli/gweinyddol/proffesiynol

² Gweithwyr llaw lled-grefftus a di-greffft neu sy'n cael budd-daliadau'r wladwriaeth/sy'n ddi-waith

³ Cartrefi sy'n cynnwys deiliaid swyddi rheoli/gweinyddol/proffesiynol uwch a chanolraddol

⁴ Cartrefi sy'n cynnwys deiliaid swyddi goruchwylio, clercol, is-reoli/gweinyddol/proffesiynol

tebygol o gytuno y byddent yn bryderus na phobl yn rhanbarth Canol De Cymru (26 y cant).

- Cytunodd 55 y cant o bobl a ddywedodd y byddai'n well ganddynt fyw mewn ardal lle mae'r rhan fwyaf o bobl yn debyg iddynt hwy y byddai'n bryderus ynglŷn â phobl o Ddwyrain Ewrop yn symud i Gymru. Dim ond 18 y cant o'r rhai a ddywedodd y byddai'n well ganddynt fyw mewn ardal gyda gwahanol fathau o bobl a deimlai y byddent yn bryderus

Grwpiau a fyddai'n bryderus pe bai mwy o bobl Dduon ac Asiaidd yn dod i fyw yng Nghymru

- Roedd pobl hŷn yn fwy tebygl o gytuno y byddent yn bryderus: 36 y cant o bobl 65 oed o gymharu â 28 y cant o bobl 55-64 oed, 23 y cant o bobl 35-54 oed ac 19 y cant o bobl 16-34 oed
- Cytunodd thua thraen o oedolion C2 a DE (31 y cant a 33 y cant yn y drefn honno) o gymharu ag un o bob pump o oedolion AB ac C1 (20 y cant yr un)
- Cytunodd chwarter (25 y cant) o bobl wyn Brydeinig a Chymreig y byddent yn bryderus pe bai mwy o bobl Dduon ac Asiaidd yn symud i Gymru. o gymharu â 13 y cant o bobl o gefndiroedd ethnig eraill
- Roedd y nifer fwyaf a oedd yn cytuno â'r datganiad hwn i'w gweld yng Ngorllewin De Cymru (32 y cant) a'r nifer isaf yng Nghanol De Cymru (21 y cant)
- Ymhlith y rhai a ddywedodd y byddai'n well ganddynt fyw mewn ardal gyda phobl debyg iddynt hwy eu hunain dywedodd hanner (50 y cant) y byddent yn teimlo'n bryderus pe bai mwy o bobl Dduon ac Asiaidd yn symud i Gymru. Roedd hyn yn cymharu ag 21 y cant o bobl heb farn bendant ac 8 y cant o bobl y byddai'n well ganddynt fyw mewn ardal gyda gwahanol fathau o bobl.

Tabl 6.2 Canran yn dweud y byddent yn teimlo'n bryderus pe bai mwy o bobl o'r grwpiau hyn yn dod i fyw yng Nghymru

	<i>Sylfaen heb ei phwysoli, n=</i>	<i>Sylfaen wedi'i phwysoli, n=</i>	<i>Mwslimiaid (%)</i>	<i>Pobl o Ddwyrain Ewrop (%)</i>	<i>Pob Dduon ac Asiaidd (%)</i>
Cyfanswm	1,589	1,589	30	32	25
16-34	385	413	25	28	19
35-54	598	581	27	33	23
55-64	262	248	32	33	28
65+	344	347	38	36	36
Gwyn Prydeinig / Cymreig	1,438	1,555	30	33	25
Arall	151	34	14	25	13
Cristion	1,123	1,144	33	35	29
Crefydd arall	103	56	26	29	21
Dim crefydd	349	375	20	24	16
AB	382	376	25	27	20
C1	533	538	26	29	20
C2	242	241	37	40	31
DE	428	431	35	37	33
Crefydd:					
Canolbarth a Gorllewin Cymru	290	292	29	35	26
Gogledd Cymru	336	344	31	35	27
Canol De Cymru	366	348	28	26	21
Dwyrain De Cymru	324	327	25	31	22
Gorllewin De Cymru	273	278	37	36	32
Byddai'n well ganddynt fyw gyda: Mathau gwahanol					
Pobl debyg	236	231	15	18	8
Dim barn bendant	337	342	55	55	50
	1,005	1,005	24	28	21

Grwpiau a fyddai'n bryderus pe bai mwy o bobl o Loegr yn dod i fyw yng Nghymru

- Cytunodd tua chwarter y bobl yng Nghanolbarth a Gorllewin Cymru (23 y cant) y byddent yn teimlo'n bryderus pe bai mwy o Saeson yn dod i fyw yng Nghymru. Roedd hyn dipyn yn uwch nag yng Nghanol

De Cymru (12 y cant), Dwyrain De Cymru (13 y cant) a Gogledd Cymru (15 y cant)

- Cytunodd dau o bob pump o bobl (40 y cant) yr oedd Cymraeg yn famiaith iddynt y byddent yn bryderus ynglŷn â hyn. Roedd hyn yn uwch na'r gyfran o'r grŵp hwn a gytunodd y byddent yn bryderus pe bai mwy o bobl Dduon ac Asiaidd neu Fwslimiaid yn symud i Gymru (29 y cant a 30 y cant yn y drefn honno)
- Roedd pobl a oedd ystyried eu hunain yn Gymry yn llawer mwy tebygol o gytuno y byddent yn bryderus ynglŷn â mwy o Saeson yn symud i Gymru na'r rhai a oedd yn ystyried eu hunain yn Saeson neu'n Brydeinwyr (21 y cant o gymharu â 6 y cant a 10 y cant yn y drefn honno)
- Cytunodd 23 y cant o bobl a ddywedodd y byddai'n well ganddynt fyw mewn ardal gyda phobl a oedd yn debyg iddynt hwy eu hunain â'r datganiad hwn o gymharu ag 13 y cant o bobl yr oedd yn well ganddynt fyw mewn ardal gyda gwahanol fathau o bobl a 14 y cant nad oedd ganddynt farn bendant ynglŷn â'r mater

Tabl 6.3 Canran a ddywedodd y byddent yn teimlo'n bryderus pe bai mwy o Saeson yn dod i fyw yng Nghymru

	<i>Sylfaen heb ei phwysoli, n=</i>	<i>Sylfaen wedi'i phwysoli, n=</i>	<i>% yn cytuno</i>
Cyfanswm	1,589	1,589	16
Crefydd: Canolbarth a Gorllewin Cymru	290	292	23
Gogledd Cymru	336	344	15
Canol De Cymru	366	348	12
Dwyrain De Cymru	324	327	13
Gorllewin De Cymru	273	278	18
Prif iaith: Cymraeg	126	133	40
Saesneg	1,401	1,438	14
Hunaniaeth genedlaethol: Cymry	884	928	21
Saeson	179	189	6
Prydeinwyr	494	491	10
Byddai'n well ganddynt fyw gyda: Mathau gwahanol	236	231	13
Pobl debyg	337	342	23
Dim barn bendant	1,005	1,005	14

Pam mae oedolion yng Nghymru yn pryderu ynglŷn â grwpiau gwahanol yn symud i Gymru?

Os cytunodd ymatebwr y byddent yn pryderu y byddai grwpiau penodol yn mewnfudo gofynnwyd cwestiwn dilynol. Cwestiwn penagored oedd hwn a chafodd ymatebion eu codio er mwyn dangos patrwm ymateb.

Codwyd yr un pryderon ynglŷn ag integreiddio, mewnfudo a'r canfyddiad bod gwahanol grwpiau'n cael eu trin yn ffafriol. Y themâu allweddol oedd:


- Economaidd: yn enwedig o ran mewnfudwyr o Ddwyrain Ewrop ac o Loegr
- Diogelwch: mewn perthynas â mewnfudwyr Mwslimaidd yn unig
- Integreiddio a cholli hunaniaeth Gymreig: yn enwedig o ran mewnfudwyr Mwslimaidd ac o Ddwyrain Ewrop a Lloegr

Pobl o Ddwyrain Ewrop

Ymhlith y rhai a gytunodd y byddent yn bryderus pe bai mwy o bobl o Ddwyrain Ewrop yn symud i Gymru, roedd yn amlwg mai pryderon economaidd oedd wrth wraidd yr ymatebion. Y prif reswm dros bryderon oedd y canfyddiad bod pobl o Ddwyrain Ewrop 'yn cymryd y swyddi i gyd yn yr ardal' (35 y cant). Teimlai 9 y cant fod pobl o Ddwyrain Ewrop yn 'llafur rhad ac yn tanseilio lefel cyflogau', tra bod 7 y cant yn sôn am straen ar wasanaethau cyhoeddus neu bwysau o ran tai.

Soniwyd hefyd am bryderon mwy cyffredinol ynglŷn ag integreiddio a cholli hunaniaeth Gymreig. Dywedodd 11 y cant 'fod gormod o bobl o Ddwyrain Ewrop yma yn barod'. Dywedodd 10 y cant fod 'gormod o fewnfudwyr/angen rheolaethau tynnach', tra soniodd 5 y cant am 'rydym yn colli ein hunaniaeth genedlaethol/diwylliant/iaith Gymraeg'. Dywedodd canran debyg 'nad ydynt yn cymysgu/integreiddio'n dda'.

Ffigur 6.4 Rhesymau dros deimlo'n bryderus pe bai mwy o bobl o Ddwyrain Ewrop yn dod i fyw yng Nghymru



Sylfaen: Pawb a fyddai'n bryderus pe bai mwy o bobl o Ddwyrain Ewrop yn dod i fyw yng Nghymru (Heb ei bwysoli 510; Wedi'u pwysoli 514). Cyfeiriadau o 5 y cant neu fwy


Mwslimiaid

O gofio'r sylw diweddar yn y wasg, nid yw'n fawr o syndod bod mewnfudwyr Mwslimaidd wedi creu ymateb emosiynol. Datgelodd y sylwadau ddau bryder allweddol. Yn gyntaf, diogelwch fel y rheswm a nodwyd amlaf oedd bod 'Mwslimiaid am orfodi eu credoau, gwladwriaeth Fwslimaidd neu gymryd drosodd' (13 y cant). Soniodd bron un o bob deg (8 y cant) bryderon cyffredinol ynglŷn â therfysgaeth a dywedodd 5 y cant 'y byddent yn niweidiol/yn achosi trafferth/yn fygythiad'.

Pryder arall oedd integreiddio. Dywedodd dros un o bob deg 'nad ydynt yn cymysgu nac yn integreiddio'n dda'. (12 y cant). Soniodd 5 y cant 'mae ganddynt grefydd wahanol/gwlad Gristnogol yw hon' ac 'mae ganddynt ddiwylliant/ffordd o feddwl gwahanol'.

Roedd y rhesymau hyn yn wahanol i'r rhai a roddwyd mewn perthynas â phryderon ynglŷn â mewnfudo o Ddwyrain Ewrop. Nid oedd mewnfudwyr Mwslimaidd yn cael eu hystyried yn fygythiad economaidd i'r un graddau, ond roedd integreiddio yn fwy o broblem. Mae'n werth nodi na soniodd oedolion yng Nghymru am faterion diogelwch mewn perthynas â mewnfudwyr o Ddwyrain Ewrop.

Ffigur 6.5 Rhesymau dros deimlo'n bryderus pe bai mwy o Fwslimiaid yn dod i fyw yng Nghymru



Sylfaen: Pawb a fyddai'n bryderus pe bai mwy o bobl o Ddwyrain Ewrop yn dod i fyw yng Nghymru (heb ei bwysoli 462; wedi'u pwysoli 473). Cyfeiriadau o 5 y cant neu fwy


Pobl Dduon ac Asiaidd

Roedd y rhesymau amlycaf a roddwyd dros deimlo'n bryderus pe bai mwy o bobl Dduon ac Asiaidd yn dod i fyw yng Nghymru yn ymwneud â phrinder swyddi (15 y cant) a theimlad cyffredinol bod gormod o fewnfudwyr yma yn barod (14 y cant). Nid oedd pryderon economaidd mor gryf â'r rhai a fynegwyd mewn perthynas ag ymfudwyr o Ddwyrain

Ewrop lle cyfeiriodd 35 y cant at 'brinder swyddi/maen nhw'n cymryd y swyddi i gyd'.

Hefyd roedd pryderon o ran integreiddio: teimlai 12 y cant fod 'gormod yma yn barod', teimlai 9 y cant nad yw'r grŵp hwn yn cymysgu nac yn integreiddio'n dda a theimlai 8 y cant fod ganddynt 'ddiwydiant/ ffordd o feddwl gwahanol'.

Ffigur 6.6 Rhesymau dros deimlo'n bryderus pe bai mwy o bobl Dduon ac Asiaidd yn dod i fyw yng Nghymru



Sylfaen: Grwpiau a fyddai'n bryderus pe bai mwy o bobl Dduon ac Asiaidd yn dod i fyw yng Nghymru 394; Wedi'u pwysoli 400). Cyfeiriadau o 5 y cant neu fwy


Saeson

Y rheswm a nodwyd amlaf dros bryderu ynglŷn â mwy o Saeson yn symud i Gymru oedd bod pobl yn pryderu am 'golli eu hunaniaeth genedlaethol, diwylliant neu'r iaith Gymraeg' (19 y cant). Er i'r rheswm hwn gael ei grybwyll mewn perthynas â grwpiau eraill, ni fynegwyd y teimlad mor 'gryf' a chyfeiriwyd ato gan 6 y cant neu lai ym mhob achos.

Rheswm pwysig arall oedd pwysau o ran tai. Pryderai 13 y cant am 'brinder tai', pryderai 9 y cant am brisiau tai yn codi tra cwynodd 7 y cant 'maen nhw ond yn prynu tai haf yma'.

Rhesymau eraill dros bryderu am Saeson yn symud i Gymru oedd y byddai 'prinder swyddi am eu bod yn cymryd yr holl swyddi' (12 y cant), 'maent am orfodi eu diwylliant eu hunain' (8 y cant) ac 'nid ydynt yn hoffi'r Saeson neu nid yw'r Saeson a'r Cymry yn cyd-dynnu' (8 y cant).

Ffigur 6.7 Pam y byddai pobl yn teimlo'n bryderus pe bai mwy o Saeson yn dod i fyw yng Nghymru?



Sylfaen: Pawb a fyddai'n bryderus pe bai mwy o Saeson yn dod i fyw yng Nghymru (Heb ei bwysoli 246; Wedi'u pwysoli 252). Cyfeiriadau o 5 y cant neu fwy

Crynodeb

Dengys y canfyddiadau fod y mwyafrif o bobl yng Nghymru yn teimlo eu bod yn perthyn i Brydain, Cymru, eu cymdogaeth a'u hardal leol. Awgryma'r dystiolaeth fod hunaniaeth genedlaethol ychydig yn gryfach na hunaniaeth leol. Roedd pobl hŷn, pobl wyn a Christnogion yn fwy tebygol o fynegi'r ymdeimlad mwyaf o berthyn.

Roedd y mwyafrif o bobl yn anghytuno y byddent yn teimlo'n bryderus pe bai mwy o bobl o grwpiau ethnig a lleiafrifoedd gwahanol yn dod i fyw yng Nghymru. Fodd bynnag roedd lleiafrif sylweddol yn pryderu am fewnfudo.

Roedd y pryderon ynglŷn â mewnfudo yn dibynnu ar y grŵp dan sylw. Cododd mewnfudwyr o Ddwyrain Ewrop bryderon ynglŷn â phwysau economaidd. Roedd diogelwch yn fater allweddol o ran mewnfudwyr Mwslimaidd, yn ogystal â phryderon penodol ynglŷn ag integreiddio. O ran pobl Dduon ac Asiaidd, codwyd pryderon ynglŷn â swyddi a gormod o fewnfudo. Roedd y rhai a oedd yn pryderu am fewnfudwyr o Loegr yn pryderu ynglŷn â cholli hunaniaeth a phrisiau tai yn codi.

Nodiadau

Mae rhagor o wybodaeth am yr ymchwil ar gael ar dudalennau'r Comisiwn yng Nghrymu ar ein gwefan yn:

www.equalityhumanrights.com

Ynglŷn â'r arolwg o agweddau

Comisiynodd y Comisiwn Cydraddoldeb a Hawliau Dynol yng Nghymru GfK NOP i ymgymryd ag ymchwil i agweddau pobl tuag at wahaniaethu, hawliau dynol a chydlyniant cymdeithasol yng Nghymru. Mae'r ymchwil yn ceisio archwilio agweddau pobl tuag at wahaniaethu o ran rhyw, grwpiau lleiafrifoedd ethnig, pobl anabl, dynion hoyw a lesbiaid, materion o ran oedran, crefydd a ffydd a hefyd y Gymraeg. Mae'r canlyniadau hyn yn rhoi mesur sylfaenol o agweddau y gellid eu mesur eto yn y dyfodol.

Roedd y sampl yn cynnwys 1,589 o ymatebwyr. Cynhaliwyd yr arolwg dros y ffôn. Cafodd pob ymatebwr y dewis o gwblhau'r arolwg yn Gymraeg. Ymdriniwyd â materion o ran mynediad drwy gynnis y cyfle i ddefnyddio gwasanaeth TypeTalk i'r rhai â nam ar y clyw. I'r rhai a gafodd anhawster i gyfathrebu yn Saesneg cynigiwyd y cyfle i ddefnyddio Llinell Iaith i gyfieithu'r cyfweiliad.

Roedd y dull samplu a ddefnyddiwyd yn yr arolwg yn cyfuno dewis rhifau drwy Ddeialu Digidau ar Hap (RDD) a defnyddio cwotas i reoli proffil y rhai a gymerodd ran yn yr arolwg. Pennwyd cwotâu yn ôl rhanbarth yng Nghymru (pum rhanbarth), yn ôl rhyw ynghyd â statws gwaith, yn ôl band oedran ac yn ôl tarddiad ethnig yn seiliedig ar wybodaeth ddemograffig a gafwyd o Gyfrifiad 2001. Pennwyd y rhain i sicrhau y byddai'r sampl yn gynrychioliadol o boblogaeth Cymru yn ôl y ffactorau hyn.

Hybwyd cyfweiliadau mewn ardaloedd lle roedd cyfran uwch o bobl o leiafrifoedd ethnig yn y boblogaeth.

Cymharu â'r Alban a Phrydain Fawr

Cymharwyd y canfyddiadau ag Arolwg 2006 o Agweddau Cymdeithasol yn yr Alban a'r archwiliad o ganfyddiadau a gynhaliwyd gan GfK NOP. Dylid nodi mai dim ond cymharu'n fras y gellir ei wneud am fod methodolegau gwahanol wedi'u defnyddio yn y ddau arolwg hyn. Felly, mae'n rhaid trin unrhyw debygolrwydd neu wahaniaeth rhwng canfyddiadau'r arolygon hyn a chanlyniadau arolwg y Comisiwn Cydraddoldeb a Hawliau Dynol yng Nghymru fel rhai dangosol yn hytrach na rhai absoliwt.